

Ciet Vwnzva Vamaedlaeh Hwngzyen:

“Conghcueng” Ndomqyawj Hong Vamaedlaeh Mbanjcuengh

横县茉莉花文化节：宣传壮乡茉莉花产业的“窗口”

□ Cangh Hungzlu ingj Sinhyungz hoiz

Doenghva gvangq youh hom, bouxguh hong simsangj.



▲ Angq diuq fouxgeizlaenz, saedcej caen ndei raeuh.



▲ Va hai caiq va hom, vunz doxcomz dingh cawx.



▲ Ngoenzciet angq doiq fwen, sing hapwenz seiqlengq.



▲ Cazvamaedlaeh gai ndaej bieng, lai cungj lai yiengh vunz haengj cawx.

Hwngzyen miz gij mingzdaeuz ndei “mbanranz vamaedlaeh Cungguk”, “Diegndei Vamaedlaeh Cungguk”, dwg giz comz ndaem govamaedlaeh caeuq cazva gyagoeng daengx guék caiqlj daengx biengz ceiq hung ndeu. Doenghbi neix daeuj, Hwngzyen hopheux aen cawjdaez “guh ndei ok biengz” neix, gonqlaeng laebbaenz le aen Cungsim Gaicawx Cazvamaedlaeh Cungguk, Cungsim Niemhyawj Gamduk Cizlieng Huqgai Va(caz)maedlaeh Cungguk caeuq Suenhung Vamaedlaeh Cunghvaz, gaenxgit cauxguh aen bingzdaiz doxgap caeuq fazcanj va(caz)maedlaeh Cungguk-Dunghmungz daengj “haj aen cungsim aen bingzdaiz ndeu”, hawj hong ndaem govamaedlaeh guh ndaej engq ndei vunzbiengz engq maij. Daj bi 2000 daeuj, Hwngzyen gaenq banh baenz bet gaiq daengx guék va(caz)maedlaeh gyauhyivei, seiq gaiq Ciet Vwnzva Vamaedlaeh Cungguk, bi 2011, aen ciet neix aeundaej hangh ciengj “Cungguk cib daih cietgingq ceiq

miz gozci yingjyangliz”.

Hwngzyen youq baihdoengnamz gih raeuz, miz Cuengh, Gun, Myauz, Yauz daengj 15 aen minzcuuz gungh 120 lai fanh vunz. Vamaedlaeh dwg aen siengcwngh Hwngzyen, daj Cuihmingz gvaqdaej gaenq miz 400 lai bi ndaemganq lizsij, seizneix Hwngzcouh, Yauyij, Majlingj daengj yangheicun cungj lienzenq baenz doengh ndaemganq, caiqlj dujva hung, saek va hausak, homva rangrwd, canjlieng lai, seiz haiva nanz, dwg vamaedlaeh ndawde ceiq ndei. Dangqnaj, daengx yienh gaenq miz 6.8 fanh ranz 30 lai fanh vunz guh hong ndaemganq gova, govamaedlaeh ndaem miz 10 fanh moux, gaenq ndaej saedyienh fouz goenghaih ndaemganq, moix bi sou ndaej vamoq 8 fanh dun, siugai souhaej 8 ik maenz; miz cazva gyagoeng giyez 150 aen, moix bi gyagoeng cazva 6 fanh lai dun, souhaej 20 lai ik maenz, vamaedlaeh canjlieng caeuq cazva canjlieng ciemq daengx guék cungjsoq 80% doxhwnj, ciemq seiqgyaiq cungjcanjlieng 60%,

gaenq baenz daengx guék aen gihdi ndaemganq govamaedlaeh caeuq guh cazva ceiq hung ndeu. Daengx yienh miz 13 aen binjbaiz cazvamaedlaeh, mbanj gonqlaeng aeundaej Guengj-sae mingzbaiz canjbinj cwnghhau, mbanj youq daengx guék caiqlj daengx biengz mbawcaz bingzbeij doxdax ndawde aeundaej haujlai daihciengj dauqma.

Ciet vwnzva vamaedlaeh banh ndaej hoenghhwd, moix bi cungj miz gij lauxbanj oepguh caeuq siugai mbawcaz daengx guék gak dieg haenx, bouxlauxhangz mbawcaz caeuq gij canghhek Dunghmungz lumjbaenz Yeznanz, Menjden, Sinhgyahboh daengj daeuj doxcomz gvaq ciet. Ciuq gyoepsuenq, moix bi ndaw ngoenzciet miz 6000 lai boux canghhek bae Hwngzyen gaicawx vamaedlaeh caeuq cazva, miz 1000 lai gyaq cihung bae daeh va ci caz, miz baenz 100 lai fanh vunzhek ganj bae gvaq ciet, aen ciet he guh gaicawx ngaenzsoq cungj youq 3 ik maenz doxhwnj, mingzdaeuz riuz doh seiqlengq.



▲ Sau riunyumj raix caz, hek ma daenez sim raeui.

◀ Bouxgai din-fwngz soem, va roix baenz lienh soij.



▲ Vamoq sou ndaej lai, gwnzhaw gaicawx hoengh.



▲ Doenghgo sou ndaej lai, vaizcin ok rengz coengh.



▲ Diuq foux eu fwen coux hek daengz, seiq fueng baengzyoux caemh sim'anga.